

近代中國史料叢刊第八十七輯

沈雲龍主編

厲期室詩文集

鄧

更著

文海出版社

有限公司印行

VT 331 / 1501

厲期室詩文集

吳永恆題



厲期室詩文存序

厲期室詩文存故友鄭君子道之遺著也子道與予同年同里同試同交游乃至服食好尚亦頗相近蓋自幼而冠而婚風雨晨夕聲應氣求未嘗一日有不同之感也當予負笈入北平子道亦偕裝東渡日本雖所適之地不同而所抱之志願所習之學科則同其後同官同事乃至居處言動亦恆相合又自壯而老衰風雨晨夕聲應氣求未嘗一日有不同之遇也子道好爲詩古文辭感慨憤發聽舉泉湧多幽愁伊鬱之思予固好之然終不願作悲憂傷氣之語嗚乎此卽予兩人所爲不同之處歟抗戰軍興瘡痍滿目故園烽火駭魄動魂吾鄉當湘北大戰之衝寇鋒出入至再至三受禍尤烈子道之夫人遂因倉皇避亂覆車零陵道中而慘然物化矣子道旣痛時局之阡危憫鄉邦之禍亂哀琴絃之中斷念老病之支離西遷以來益酷嗜山谷後山及清季詩人散原之作朝

吟暮呻音節悽苦若杜宇之叫於空谷嘯猥之出於巫峽也若孤舟嫠婦殘宵自悲如怨如慕如泣如訴也若窮途失意羈旅徬徨去國懷鄉登高臨水長歌當哭也同寓諸友人常婉勸之恐其傷氣而子適則仍悲吟如故聞觀所作恆極意追慕黃陳諸家亂離之什其幽怨處每令人不忍卒讀夫言者心之聲也心之哀痛影響於生命者至鉅况天涯久客白髮衰年其何以自慰而久持耶雖然子適之晚境實較同時朋輩爲優其子女皆自中西各大學畢業嗣君裕坤尤嶄然露頭角有聲於時雖亂離之餘而歲時旨酒內外諸孫仍酣嬉繞膝自恆人視之復何有不足於中而自懟若是嗚乎此其所爲不同之處竟先予以逝歟去秋子適忽於病中輯其自昔所爲文都十七篇古近體詩凡百有六首自寫而細校之題曰厲期室詩文存豈逆知其將盡耶裕坤今將梓而行之請序於予因念予兩人生平友誼之篤而述其同不之感想於此

民國二十二年一月平江李菱序於蜀之巴鄉

厲期室詩文存

序

二一



厲期室詩文存卷上

平江鄧更子道甫

詩 都古近體一百零六首

哀北京 庚子

北風折骨冰塞川翠華一去何時還  
桂館蘭堂委沙磔白日燐飛  
森斑爛碧眼奚兒氣如虹牽馬夜飲葡桃宮  
文武道盡龍文折廣  
陵妖亂將毋同北井鹽劍并州快礮谿赤松  
今何在索駝馳駟舞  
象悲未央殿前溼紅淚回首當年歌舞場  
纏頭百萬珠玉光朝嘶  
紫燕踏花窟南海昆明恩澤長滄桑一夜成  
今古三十六宮浩無  
主碧血千里斷人行  
獨樓畫立作胡語

爲喻竹筠題畫蘭帳額卽送其遊鄂 辛丑

君山青青湘水東古香勃鬱生微風  
美人不見伊誰主寫入先生  
臥遊處九畹芬芳一剪開  
紫荆搖曳夢初回高標絕俗胎元麝  
瓊若蘼蕪何有哉三閩大夫老可怪  
腰艾雜陳發長噫託根自在空

谷中賞音却來空谷外今我相遇芝蘭室聯牀夜縮同心結伴君

絳帳千里行春風吹滿大湖北

時君方受湖北邵嬰西魏察西席之聘

留別同學某君

白雪吹滿長沙城驪歌唱徹人欲行汪倫送我有深情成詩投贈  
金玉聲聯牀論文月三更東坡穎濱結知音六一先生今春卿黃  
金價重龍馬騰空山故人側耳聽鵝兒夜倒玻璃觥

筍

春雨新晴筍爭出一日不見高三尺苞如龍鱗森開張吸露淋漓  
晝猶溼俯視數株埋泥中束如溼薪日復日嗚乎生長同一邱優  
者自伸劣者屈古人呪筍不成竹今我呪筍皆成立安得千萬圓  
通君療盡人間俗肌骨

呈黃敬輿先生乞書

時先生任校經堂山長

七十二峯衡山高奇氣騰躍長風號鬱爲將相怒不止奔入先生



黃金毫鍾王焦徐兼歐柳縱橫操之於一手九宮玄祕吉光存飛  
燕玉環復何有虎幄運籌滄海東簪筆夜燭扶桑紅下書露布上  
殺賊筆光劍氣雙飛龍一朝歸臥湘江上桃李春風羅絳帳餘瀟  
飛灑落人間端莊剛健老益壯自從世俗筆苦驕衆中鬼賊空自  
勞歸然賴有靈光在筆陣倒挽秋江濤今我棘闈羞敗仗沈郎誰  
憐虛執掌欲倩法書豔歸裝爭奈宮牆高萬丈郭隗自媒公莫訶  
新詩何如雙黃鵠大筆幸染溪藤上曉香竊附蜀東坡

珊瑚吟

柳腰花靨寒玉齒誰家生長珊瑚女阿母嬌憐重選婿徐公唐兒  
未肯許紅線遙牽天結成櫻桃破笑自分明誰知花燭明如練照  
見際遽疾施面今年憔悴復明年典衣賣屋留鴉片郎吹鴉片香  
妾茹荼蓼苦紅粉金釵付阿誰與郎同生且同死死固樂生可嗟  
枳間鳳溷上花

園遊卽事

二月新移竹五株居然便見筍生時歸來屐折發狂喜報與高堂  
白髮知

上巳遊杜工部墓

癸卯

去年上巳不可說苦雨闌風泥滑滑今年上巳雨乍晴行人鶯燕  
皆歡聲十里小田少陵墓誰歟好事張鐵瓶咫尺天涯今始過公  
靈得毋迎笑人白酒黃牛何處買天桃紫荊相向榮二三鍊士有  
幽意坐學橐駝羅廣庭安知世外有漢魏喃喃且誦金剛經起坐  
肅客啜佳茗片片嗅作梅花馨崎嶇束緼尋來徑暴風吹雨催人  
行入門誰沽軟脚酒倒牀不復聞雷霆明朝開門見路滑同思幸  
免心怛怛東坡先生誇神予茲遊何妨相齊稱

次韻李遠菴九日侍父登黃鶴樓

甲寅

匏繫經年漢水隈又看秋月換珠胎三分霸業空餘燼萬里江聲

走怒雷漫上城樓一悵望新開桑園盍歸來黃花香裏班衣舞樂  
事從君勸百杯

上已侍 母涂太夫人遊漢陽鐵廠及歸元寺用右鈞原韻

江漢雙流萬里來宏規崛起倚山開神斤鬼斧移魂夢炭地爐天  
散霧埃爭說尙書經始偉已聞鄰榻睡聲催最難東道殷勤甚遊

倦爲斟輒脚杯

是日承舒科長  
楚生招待甚勤

過江車馬踏青來野寺朱門兩扇開歷歷諸天空色相茫茫大地  
總塵埃荷池漲滿神龜躍麥隴春深布穀催修禊良辰洵奇樂幾  
人將母看流杯

惆悵詞

浪說天台今又來舊遊回首重徘徊夕陽西下空歸去祇見桃花  
花亂開

檢點相逢入夢時醒來不見影遲遲癡心枉向青鸞訴特地思君

知不知

何事登天入地尋蓬山咫尺碧森森算來多少銷魂處辜負蕭郎  
獨自吟

次韻喻萼芳師八十自壽卽以爲祝

癸亥

獨向空山禮素王鳳麟沈寂不堪傷義熙年合編東晉天寶人猶  
說盛唐自愧卅年離馬帳已悲歧路更羊腸何來尺素雲間落照  
眼珠璣倍瑤煌

回頭猶記及門年福石山深地自偏歸詠舞雩人六七習儀綿蕞  
禮三千趨庭往事悲親逝

先君與師同庚今  
謝世十五年矣

同學晨星賸我賢不勝滄

桑感今昔先生可是地行仙

穩臥邱園百不驚肯從雞鶩判紛爭生憎渭水牽壘夢祇合香山  
結舊盟花獨重諧春意滿蘭階層繞笑聲輕一言戲向先生問可  
有新詩賦定情

巋然想見玉精神讀罷瑤篇意倍真九老圖成廣韻事

邑先達李文青先生作九老會

刊石道者距師居甚近

十全福備更何人善鳴已自慚東野景仰由來拱北辰

補祝黃花知未晚仙家歲月總時新

遊農事試驗場

舊名萬牲園丙寅

一別名園十六秋滄桑而後此重遊兩行官柳如相識落葉蕭蕭

時打頭

萬牲散盡桑麻在三徑荒餘松菊存一事牽懷猶記取入門不見

兩崑崙

舊有兩守門奴高近一丈闊美利堅近以重金購去

暢觀高聳俯晴霞云是西王此駐車玉几金牀今宛在可無人唱

後庭花

屹屹豐碑烈士墳披榛讀罷對斜曛由來燕趙多奇士市上相逢

倘是君

陽歷元旦後三日大雪率快墉二女遊北海公園

丙寅

大雪連三日頻年第一回先春爲獻瑞破戒欲啣杯助我探梅興  
多兒詠絮才竭來城北路何似在瑤臺

北海鏡風物於遊雪更宜試登高塔望欲叱九龍騎冰合銀河迴  
壺投玉女嬉

是日海白士女  
溜冰者甚多

應知天不夜徒立又多時

過金陵訪隨園遺址

丁卯

昔愛先生好詩句今朝真個到隨園悠悠毀譽皆陳迹蕩蕩雲山  
對墓門骨肉一家欣共穴田園百畝自成村最難野老殷勤意易  
代而今尙感恩

是日承一馬姓導遊各處給以錢不  
受詢之其祖輩原爲先生舊佃云

東南烽火遠連天欲奠溪毛倍悵然喪亂卽今同魏晉承平枉自  
溯雍乾有誰詞賦追前輩愧我疏狂亦老年漫道風流頓銷歇金

陵弦誦正喧闐

金陵中學卽  
在小倉山側

題廖幻君扶桑海浴圖

戊辰

我亦瀛洲客匆匆感昔遊滄桑疑隔世之子又扁舟日麗寥天鶴

煙消何處樓此間宜避世吾欲築菟裘

中坐者誰子一笑若爲思打槳將焉往呼來欲問之橫流姑袖手  
破浪此何時落落浴沂意喟然吾與誰

牯嶺雨中占呈陳散原先生

壬申

細雨無端破曉來山樓小住思悠哉忽忘身在萬峯頂窗外白雲  
合復開

匡廬先生古君子遯世悲歌不計年我歎此行兩奇絕高山而外  
又高賢

陳君嵩若

中嶽

寄贈近著數種賦此奉酬

癸酉

陳侯下筆妙天下著書等身猶少年我分早成門外漢對此祇覺  
心茫然

儒生匡濟談何易小試居然報最頻敢借公言爲公祝王會而後

屬何人

歷來以儒生校匡濟能言不掩行者除諸葛武侯  
外惟王守仁會國藩兩人而已見君著南歸志

次韻黃石安庭長九日登高

丙子

一樓崛起倚秋高，公事癡兒暫息勞。  
求牧未能寧袖手，得情勿喜况吹毛。  
高歌青眼成孤望，濁酒黃花尙爾豪。  
肝胆平生勤努力，江南景物未蕭騷。

過武昌懷西草堂訪雷霖生居士旋偕遊抱冰堂過南樓舊址至黃鶴樓茗坐別後却寄

丁丑

抱冰堂畔又懷西，獨有千秋人未知。  
留骨廟堂緣底事，吾生今已薄南皮。

憑窗一笑大江橫，劫後瘡痍慶更生。  
爲語靈源今大士，慈航普濟若爲情。

同踏蛇山頂上行，青松十里午風清。  
南樓遺蹟今何在，祇見長虹天際橫。

廿年黃鶴樓中客，白首重登又此同。  
一事累君堪一笑，遠公已過



虎溪來

予六十生日承天囚送贈長句次韻奉酬 戊寅

瑰瑋文章比色絲，開顏不用酒盈卮。  
漫談國事摠孤憤，且趁芳辰放厥詞。  
愧我衰頽驚歲晚，多君肝胆照心知。  
何時一醉黃龍府，息壤毋忘此日詩。

題張瑞君小照二首

代友人作  
己卯

梅花合影

我生未解香奩詠，省識春風一啞然。  
端合梅花與相伴，一般同占百花先。

又一影隱几作支頤狀

生小蘆江綽約姿，却嫌顏色污臙脂。  
老夫已斷鴛鴦夢，盡日支頤爲阿誰。

次韻天囚病中作

厲期室詩文存 卷上

夜雨巴山路駢車更此遊可憐同作客不覺兩經秋避狄悲岐馬  
忘情狎海鷗錄囚迷簿領自笑已如囚  
是貧非是病相約且遨遊天闊雙星迴風驚一葉秋行行看歇馬  
日日數羣鷗靜待胡塵掃公毋泣楚囚

晚眺偶成

到晚癡兒公事了出門處處足登臨鴨歸荒隴自呼伴犬吠行人  
遠出林三戰三北寧怯敵一壑一邱聊慰心幾日馬肥秋氣爽南  
北羽書騰捷音

喜雨用山谷韻

旱熯兼旬感鬱蒸千金一雨惠秋耕初看霖霖階頭濕已覺簾櫳  
暑氣清蒼昊果饒翻覆手小民應廢怨咨聲今宵展簟成高臥曉  
起行看溪漲平

次韻天囚讀散原精舍詩

江上行吟鬱百哀陸沈莫覓復燃灰百年忠孝餘酸淚六代風騷

見此才儘有芳情縈蕙苴可堪人境幻蓬萊

錢再撫都嚴官後遷居匡廬嘗自署門聯云天恩與松菊人境

幾送

殘編流落漫糟粕孤賞爲公眼一開

孫君公昂出秋興八章索和勉成四律答之餘愧不能報也

並示天囚

兩公門韻奏雲門我亦驚秋叫病猿誰使神州成板蕩相逢野老已聲吞撫時感事坐終日垂老投荒有此村屈宋文章渺千古涉

江聊與一招魂

故園迢遞首重迴雲鎖蒼梧鬱不開舉國已無借隱地九京寧上望夫臺寒花滿眼誰同醉老雁失羣聲更哀風燭後先同一瞬惟燈清夜獨徘徊

長沙警報客心驚虜馬駸駸逼郡城一鼓魯人真戰勝三年齊鳥果飛鳴河山收拾從頭起炬火遊行照眼明漫卷詩書發狂喜杜

陵詞句若爲情

渝州萬里接江東  
虎擲龍拏戰血紅  
京國空餘孤夢在  
車書終見九州同  
論才自合傾流輩  
奏技從今拜下風  
嘔盡心肝緣底事  
撓挑同契不言中

鞠斯寄示祭乃弟文時聞其因公抵渝迄未謀面書此唁之  
張侯風義聞天下  
寄我窮邊哭弟文  
眼放大千猶拜佛  
累添孤寡劇憐君  
巴山雨歇人空夢  
滇海風淒雁斷羣  
國恥家仇終一洒  
相期戮力掃妖氛

煨薯

寒夜療飢此最便  
紅爐坐對口流涎  
可憐煨芋無風味  
領取三公亦十年

內部警曹同志招飲陳家橋北味村酒肆別後賦謝

庚辰

春風拂拂弄微晴  
邂逅村帘覺眼明  
何似西秦有東道  
翻從北味

賞南烹坐間慘綠皆年少物外垂青愧友生拚飲一樽且歸去陳  
橋回首暮雲橫

吳君煥熙寄贈近著南嶽百詠賦此報之卽以代簡

平生不識衡山面喜汝遠貽摩詰詩披讀真同千疊畫苦吟還賸  
幾莖髭芙蓉岫屢與終古虎阜西湖又一奇從此雲遊有途徑嬾  
殘衣鉢許相隨

次韻公勗春遊卽事

曉雨無端阻遊屐午晴忽喜滿芸窗嚶嚶鳥語響空谷片片花飛  
飄曲江劫外雲山留爪遍鬢邊日月擲丸雙江南舊夢猶堪說歸  
及春風理釣纜

題旅滄同人合影集者李菱芾棠洪文瀾賦林庭長王振南  
北溟殷曰序育民張鑑望杏余覺先民宋潤之志恆彭世偉  
子浩周韞輝玉圃孫潞公勗推事劉天囚科長及余共十二

人

眼中落落十二子蜀道匆匆餘兩年各自飛騰名藉甚獨慚老醜  
意茫然錦江風雨同舟誼繡壁善渝寓街名樓臺隔歲緣識語金蛇終得  
驗相遲春水泛歸船

前題用山谷雙井茶韻

代殷育民作殷江都人

舊歡重拾子雲居相隨仍讀城旦書各挾胸臆吐奇句愧我沙磧  
儕瓊珠巴蜀土宜稱上腴此間之樂樂何如同是有家阻歸路一  
夜夢繞瘦西湖

舊歷三月二十五日爲同人遷居歇馬鄉張祠之周年紀念  
感賦長句

竭來歇馬場邊住隔歲淹留興漸慵幾見揮戈迴日馭又看秧稻  
走春農蒲團禪板蕭疏意廊廟山林去住蹤垂老憂天羞鬢髮及  
時樽酒與從容

余近製一冊自顏曰庚辰集以備抄錄新作用送承公勗

賦贈長句次頭奉酬

愧我初非草玄手兀兀公餘忘歲年  
敝帚千金聊復爾足音空谷  
覺蹉然繁華過眼半疑夢老幹逢春一吐妍  
歇馬高吟已盈篋遲

余歸路與同編

君有歇馬吟詩冊

歎韓吳檢齋先生誄詞

先生諱承仕前任北平師範大學教授舊都淪陷避地天

津因鼓吹抗日被害舊同事承侃君其胞弟也

置身虎口觸虎牙欲嚙不嚙擊呀呀自分吞噬了  
不惜那間殘骸  
覆黃沙森森桃李列鬢門會當一洗碧血痕  
士氣激昂國所寶師  
道得公今益尊自來人生誰不死惟有賢哲留青史  
堯舜皆是人  
爲耳吁嗟乎公之英靈燭天列三光嚇有人兮作虎張

李樹棠歌

中陽男子李樹棠讀書幼識夷夏防手編邑乘存文獻職察姦宄  
嚴秋霜一旦烽烟莽薊北虜馬披猖連鄉國河山猶是風景殊萬  
里國門歸不得謀訊賴有蠟丸通聚米畫山策反攻持此丹心報  
豕國忍更竊祿貪天功狂虜策畫殊狡誦愚民巧作和平說常山  
罵賊還高呼戴假面具胡爲乎吾不殺汝眞非夫何來駟馬驅大  
旆劫公出長維持會仰藥呼天曉國人懦立頑廉况冠蓋吁嗟噫  
蓬萊將軍大節高崔嵬論公遭遇尤可哀一死各有泰山重看此  
東西兩秀才

壽張藍田庭長六十

自來異人出光黃今有張侯昔季常秋曹握手垂廿載忽忽此日  
皆老蒼廷尉家法世悠久叔度襟懷波汪洋平生交誼兼師友橫  
理庚庚與析剖誰謂山東白也狂一見宣城輒低首憶昔索米長  
安街司農仰屋官成災賴君一呼病創起寒如得續渴得梅至今



墮甑那足顧豪氣未除其誰哉京國重逢慰夢寐何來天狗忽墮  
地會期十月集漢濱江樓日日懷斯人累旬乃見泛舟至自言江  
遊美無倫囊中只愁巴菰盡蓬底不聞風鶴驚履險如夷固若此  
一笑真覺生死輕又言往者同鄉里赤眉隳突肆蛇豕陷身賊巢  
逾百日自分微命甘九死畢竟談笑脫虎口聞者咋舌君否否從  
知至人不事務趨利違害皆徒耳卽今流轉在巴渝千金散盡不  
關渠有婦持家駭鹿車女大紡織男詩書况聞高堂尙健飯天倫  
樂事誰能如語云親在不稱老行年六十猶年少及此首夏傾一  
樽偷作生日博絕倒時禁生  
日宴飲幾時出蜀卸征鞍行當同訪方山冠  
登堂拜母尤可歡相期珍重御歲寒

幻君寄示六十述懷長句次韻奉答卽以爲壽

高歌落落眼中人獨醉空山麴米春粟里歸來心自足杜陵老去  
興猶新三年遠道兵戈隔半世交情骨肉親保社追隨端有待相

期珍重舊吟身

李慶芳歌

先生籍隸山西襄垣早歲致力教育及社會事業七七以後在本省協助抗戰工作不幸被敵擄禁備受威脅忠貞自矢憂憤以歿見國府五月褒揚令文

昨者高歌李樹棠今又嘖嘖李慶芳隴西遠孫本龍種敵愾氣節何激昂威武不屈夙所矢天語褒崇公不死請看降虜散南北認賊作父身作子視公直是狗彘耳

端午聞警口占時在陳家橋坤兒寓所

屈原沈湘魂不滅却與人間作令節異鄉兒女喜團圓角黍瀟醪助情悅忽驚天半霹靂飛雛孫雀躍愁不知人生各抱赤子性那有聞雷失箸時

郁曼陀先生誄詞

時任江蘇高等法院第二分院庭長

曼陀今亦遭橫貫天道茫茫那可論獄訟平亭寧望報恩讎銷盡

果何冤鴿原蠻海餘孤淚白髮黃泉慘倚門

太夫人先一年在籍過嘗

檢點畫圖

不知處江南回首劫灰存

君曾爲子畫山水一幅存首都寓中今不知落何人手矣

### 和答天囚哀巴黎歌

哀巴黎君莫哀南京北京安在哉粵漢蘇杭又津滬其餘郡縣尤  
難數萬里河山錦繡堆一一盡被羶腥汗金張宅第換姓名王謝  
門巷餘燕鶯遺民刀俎供宰割風雨慘聞號哭聲自從避地巴山  
路如虎負蝟豹藏霧誰佐中興闢草萊還恐貪狼天上來霹靂一  
聲電光紫轉眼城郭生灰埃我生未踏巴黎市聞說繁華賽英美  
魏剛防線一旦空拿翁遺烈長已矣從來兔死生狐悲同類感傷  
亦其宜况乃切膚抱奇痛十九巴黎悲黍離吁嗟乎哀人自哀兩  
無益男兒努力起殺賊不作對泣新亭客

陳君虛谷自滬寄題滄影集長句次韻報之

時任上海第二特區地方法院院長

到眼新詩若面親，頓教十斛洗胸塵。高歌金石無餘子，正氣乾坤  
有此人。大海蜃樓終是幻，深山龍物自能神。天涯多少知音在，傳  
語同珍百鍊身。

喜雨口占

去年閔雨立秋後，今年閔雨立秋前。一朝滂沛起枯槁，那怪民窮  
惟呼天。雨粟雨金詎足喻，田夫田婦殊可憐。豈儒那解家國計，快  
沽市酒酹高眠。

樸園廳長遭其伯兄之喪賦此唁之

陟岡興歎負平生，腸斷湘雲天際橫。千里關山莽烽火，九重雨露

極哀榮

委座給治喪  
銀幣二千元

卽今滄海橫流痛，併入鴿原急難情。還盼安危

券帷幄神州收涕，佐澄清。

黃荆龍歌

龍用黃荆藤編成，巴俗天旱求雨時用之。

旱魃四出光熊熊，掀鬚一怒黃荆龍。金鉦動地走阡陌，闖入人家

盡辟易瞥眼寒泉百道飛龍身濡染何淋漓龍耶泉耶共飛舞張  
牙吞日無光輝旱魃雖虐爾何爲

天囚出示哭母詩甚悲次韻奉慰

我生永抱終天痛憐爾粲粲亦客鄉際此橫流飄蟻穴不堪遠道  
阻羊腸持家有弟抑何憾無母之兒吁可傷一事勸君收涕淚表  
阡巨筆屬歐陽

張蓋忱

自忠

將軍誄詞並悼同役殉難鍾天任

毅

師長鍾廣西扶南人

年四十  
一歲

齊魯英雄氣襄樊砥柱功如何騰捷羽翻痛失元戎貫日長虹白  
抽毫血淚紅千秋南爪店將軍殉難處獵獵起悲風

回首蘆橋變時滋市虎疑倉皇櫻國難肝胆避人知偉烈喧南北  
悲歌壯鼓擊蓋棺今日定南八本男兒

烈烈鍾師長成仁敢後人同心摧豕蝮一死報君親赤胆孤軍壯

蒼台

鍾殉  
難處

烈日新知當化雄鬼殺賊氣爲伸

典禮哀榮備愴懷數國殤表忠隆俎豆膾口誦關張不有綱常在  
誰嚴夷夏防典型貽後起青史發輝光

擬遊峨眉不果寄示壻女

昔年嬉鄉閭峨眉輒挂齒客滄幾三年攀尋阻尺咫弱女業蓉校  
聞亦切仰止逐隊恣遊行消夏足文史如何道病瘳呻吟困羈旅  
到山胃轉劇三日未入水汝姊繫念深謁余篤行李尙恃腰脚健  
藉挹山水美翌午駟車馳蜀道本如砥窈同江海遊倏爾大波起  
斗室紛騰擊觸背疼激髓養疴託子舍將護到僮婢雖無性命虞  
却與蹙跛比偃仰一星周居然頤氣使發軔感齟齬遊興索然矣  
欣得女來訊已占勿藥喜爲我謝山靈爽約良有以夢繞極樂天

在山麓頂臥  
雲卷一樓

扶杖一拊髀

湘鄉三女生誄詞

譚熙雲 彭馨臨 陳定亞

木蘭替父傳奇女自奮臨戎孰與倫  
伙伴三人同授命賓陽千古血痕新

湘鄉忠義耀環區異代流傳到女兒  
奉命未能敢先却凜然片語式鬚眉

七夕感賦

死別生離併一哀獨攜癡影與徘徊  
銀河天上分明見那有雙星飛渡來

袁君鹿賓 柳寄示題冬夜剪籥圖詩賦此報之即以爲其太夫人壽

袁子湘西秀夙結文字緣法曹試身手  
頭角頗嶄然音問久以絕長途莽風煙  
一昨郵書來佳什秋花妍自言有老母  
八十猶神全平生劬勞恩覩縷難具宣  
剪籥及冬夜詎惜十指胼作圖寫萬一

聊以志勿諼讀罷歎且敬用意良拳拳調丸課兒讀剪韭款賓筵  
美談播彤史輝映相後先試看古豪傑家世多力田卽此聖善意  
鬱爲時世賢椒味久益永幽芳天自憐會當躋百齡更晉南山篇

總姪來訊商豎 先父墓碑泫然有作

誰謂家山遙合眼倏以至獅蹲

錄名

帶市塵紗帽

丘名

繁稻穉宛然父

墳在松楸未改翠提攜家國憂併作孤兒淚涼颺忽驚覺餘涕猶  
濡被夢耶滋然疑邱壠歷歷記不孝罪通天老父愛獨摯猶憶析  
箸時謂余拙細事田園擇肥腴一一手布置並以山水美自卜牛  
眠地謂我收穫來祭掃劇便利誰知謬不然卅載未親詣歷久莽  
豺虎未往心輒慄我罪夫如何梟獍殆其類表阡良有待墓門闕  
碑志疲癯已如斯顯榮復何冀况乃阻烽烟微命飄如寄耿耿明  
發情了了邱墟意收淚奠心魂慰情託夢寐

中秋夜戲作



家家望明月月亦有何好徒然添客愁  
尤懼飛鐵鳥攜贈蝦蟆精  
彭亨快一飽莫道夜漫漫雞唱天將曉

次韻公最近事感懷

有客高談慎獨幽誰知皮裏有春秋  
作威擅自關三木勇退翻同  
迴萬牛世亂功名餘腐鼠尸居氣力競  
蟬蛸滔滔極目斜陽下斗  
酒荒祠醉死休

貴筑蹇君方叔出示秋感長句次韻奉酬

逃死荒山繞萬峯陶情何處覓絲桐  
行吟憐汝曲寡和瓠落慚余  
心有蓬脫葉蕭蕭驚歲晚夕陽淡淡燭天紅  
巢經文學高千古那  
管酸醜世味同

來詩有儒生與俗多乖忤  
空然酸醜不同之句

陳君劭屏寄示挽其亡姬聯語詞旨悽惋  
並殷殷以余納妾  
爲言賦贈二首

滿紙如聞嗚咽聲衾裯如夢夢如塵  
鍾情夫子偷彈淚尙有驚宮